

Ո Ր ՈՇ ՈՒ Մ N 500

վարչական տույժ նշանակելու մասին

20 ապրիլի 2023թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետ Հարություն Ազգալոյանս, քննելով Վրաստանի Հանրապետության քաղաքացի Կարեն Գոմցյանի (հասցե՝ Վրաստանի Հանրապետություն, Սամցխե-Ջավախեթի մարզ, գյուղ Մամգարա, անձնագիր՝ 20AD01160, ծնված՝ 28.09.1975թ.) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Կարեն Գոմցյանի անվամբ թիվ 05100022/030322/0000678502 մաքսային մուտքի օրդերով 365 օր ժամկետով՝ մինչև 03.03.2023 թվականը Հայաստանի Հանրապետություն է ներմուծվել 1998 թվականի արտադրության MITSUBISHI PAJERO IO մակնիշի, VV256NV պետհամարանիշի, H76W0017953 նույնացման համարի ավտոմեքենա: Սահմանված ժամկետում նշված ավտոմեքենան չի արտահանվել, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Հյուսիսային մաքսատուն-վարչության Բավրայի մաքսային կետ-բաժնի 4-րդ բաժանմունքի պետի կողմից 15.03.2023 թվականին Կարեն Գոմցյանի նկատմամբ կազմվել է մաքսային կանոնների խախտման վերաբերյալ արձանագրություն «Մաքսային կարգավորման մասին» ՀՀ օրենքի 309-րդ հոդվածով նախատեսված մաքսային կանոնների խախտման հատկանիշներով:

Գործի քննությունը նշանակվել է 20.04.2023 թվականին ժամը 12:00-ին: Արձանագրության և ծանուցագրի օրինակը պատշաճ կարգով ուղարկվել է կողմին: Կարեն Գոմցյանը, ստանալով ծանուցումը չի ներկայացել գործի քննությանը, որևէ առարկություն, բացատրություն չի տվել:

Սույն վարույթի շրջանակներում Կարեն Գոմցյանի հաշվառման վայրի վերաբերյալ ՀՀ ՊԵԿ Հյուսիսային մաքսատուն-վարչության պետի ժամանակավոր պաշտոնակատարի 16.03.2023 թվականի թիվ /27.2/15789-2023 գրությամբ հարցում է կատարվել ՀՀ ՆԳՆ միգրացիայի և քաղաքացիության ծառայություն՝ Կարեն Գոմցյանի հաշվառման վայրի մասին տեղեկություններ տրամադրելու վերաբերյալ: ՀՀ ՆԳՆ միգրացիայի և քաղաքացիության ծառայություն 22.03.2023 թվականի թիվ 42/8/32925-23 գրության համաձայն՝ ՀՀ քաղաքացի Կարեն Սերյոժայի Գոմցյանը (ծնված՝ 28.09.1975թ.) ՀՀ-ում հաշվառում չունի, հանդիսանում է նաև Վրաստանի Հանրապետության քաղաքացի, 09.02.2021թ. հաշվառվել է փաստացի «Վրաստան, Նինոցմինդայի շրջան, գյուղ Մամգարա» հասցեով:

ՀՀ ՊԵԿ Հյուսիսային մաքսատուն-վարչության պետի ժամանակավոր պաշտոնակատարի 16.03.2023 թվականի թիվ /27.2/15785-2023 գրությամբ հարցում է կատարվել ՀՀ արդարադատության նախարարության իրավաբանական անձանց

պետական ռեգիստրի գործակալություն՝ գրանցված լինելու վերաբերյալ տեղեկություններ ստանալու համար: ՀՀ արդարադատության նախարարության իրավաբանական անձանց պետական ռեգիստրի գործակալության 20.03.2023 թվականի թիվ /25.8/13848-2023 գրությամբ տրամադրված տեղեկությունների համաձայն Կարեն Գոմցյանը ՀՀ ԱՆ իրավաբանական անձանց պետական ռեգիստրի գործակալությունում գրանցված կամ հաշվառված լինելու վերաբերյալ տեղեկություններ չեն հայտնաբերվել:

ՀՀ ՊԵԿ Հյուսիսային մաքսատուն-վարչության պետի ժամանակավոր պաշտոնակատարի 15.03.2023 թվականի թիվ Ն/27.2/39962-2023 գրությամբ հարցում է կատարվել ՀՀ ՊԵԿ Ներքին անվտանգության վարչություն Կարեն Գոմցյանի սահմանատուների վերաբերյալ տեղեկատվություն ստանալու նպատակով: ՀՀ ՊԵԿ Ներքին անվտանգության վարչության 15.03.2023 թվականի թիվ Ն/2-4/40366-2023 գրությամբ տրամադրված տեղեկությունների համաձայն Կարեն Գոմցյանի կողմից 03.03.2022 թվականին Բավրայի սահմանային անցակետով ՀՀ է ներմուծվել MITSUBISHI մակնիշի, VV256NV պետհամարանիշի ավտոմեքենա: «Մաքսային կարգավորման մասին» ՀՀ օրենքի 332-րդ հոդվածի 2-րդ մասի համաձայն՝ մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս: Տվյալ դեպքում պարզվում է, որ ՀՀ ՊԵԿ Ներքին անվտանգության վարչության տրամադրված տեղեկությունների համաձայն Կարեն Գոմցյանը 03.03.2023 թվականին ժամանել է ՀՀ:

ԵՏՄ մաքսային օրենսգրքի 264-րդ հոդվածի 5-րդ մասի համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման, բացառությամբ այն դեպքերի, երբ նշված անձնական օգտագործման տրանսպորտային միջոցները դատարանի որոշմամբ բռնագրավվել կամ դարձվել են անդամ պետության սեփականություն (եկամուտ) կամ, սույն Օրենսգրքի 16-րդ հոդվածի 2-րդ կետին կամ 382-րդ հոդվածի 6-րդ կետին համապատասխան, ձեռք են բերել Միության ապրանքների կարգավիճակ կամ, նշված անձնական օգտագործման տրանսպորտային միջոցների հետ կապված, ի հայտ են եկել սույն Օրենսգրքի 14-րդ հոդվածի 7-րդ կետի 8-րդ ենթակետով նախատեսված հանգամանքներ:

Մինչև այն ժամկետի լրանալը, որի ընթացքում ժամանակավոր ներմուծված անձնական օգտագործման տրանսպորտային միջոցները կարող են ժամանակավոր գտնվել Միության մաքսային տարածքում, հայտարարատուն իրավունք ունի այդ տրանսպորտային միջոցները սույն Օրենսգրքով սահմանված կարգով ձեւակերպելու «մաքսային տարանցում» մաքսային ընթացակարգով:

Այն ժամկետը լրանալու դեպքում, որի ընթացքում ժամանակավոր ներմուծված անձնական օգտագործման տրանսպորտային միջոցները կարող են ժամանակավոր գտնվել Միության մաքսային տարածքում, այդ տրանսպորտային միջոցները սույն Օրենսգրքով սահմանված կարգով ձեւակերպվում են «մաքսային տարանցում» մաքսային

ընթացակարգով, կամ այդ տրանսպորտային միջոցների համար իրականացվում է մաքսային հայտարարագրում՝ արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով:

Ժամանակավոր ներմուծված անձնական օգտագործման տրանսպորտային միջոցները, անդամ պետությունների օրենսդրությանը համապատասխան, առգրավելու կամ դրանց վրա արգելանք դնելու դեպքում անձնական օգտագործման այդ տրանսպորտային միջոցների համար ժամանակավոր ներմուծման ժամկետի ընթացքը կասեցվում է:

Ժամանակավոր ներմուծված անձնական օգտագործման տրանսպորտային միջոցների առգրավումը կամ դրանց վրա արգելանք դնելը վերացնելու մասին որոշում ընդունելու դեպքում անձնական օգտագործման այդ ապրանքների համար սահմանված ժամկետի ընթացքը վերսկսվում է այդ որոշումն օրինական ուժի մեջ մտնելու օրվանից, բացառությամբ այն դեպքերի, երբ անձնական օգտագործման այդ տրանսպորտային միջոցների առգրավումը կամ դրանց վրա արգելանք դնելը կապված է եղել ժամանակավոր ներմուծված անձնական օգտագործման տրանսպորտային միջոցները Միության մաքսային տարածքում փոխանցելու՝ սույն հոդվածի 9-րդ կետով նախատեսված պայմանը հայտարարատուի կողմից խախտելու հետ:

Ժամանակավոր ներմուծված անձնական օգտագործման այն տրանսպորտային միջոցները, որոնց հետ կապված, մինչև սույն հոդվածի 1-ին կետում կամ 2-րդ կետում նշված ժամկետը լրանալը չեն իրականացվել սույն կետով նախատեսված գործողություններ, արգելանքի են վերցվում (արգելապահվում են) այն անդամ պետության մաքսային մարմնի կողմից, որի տարածքում գտնվում են այդ տրանսպորտային միջոցները՝ սույն Օրենսգրքի 51-րդ գլխին համապատասխան, բացառությամբ այն դեպքի, երբ մինչև այդպիսի արգելանքի տակ վերցնելն ի հայտ են եկել սույն Օրենսգրքի 268-րդ հոդվածի 2-րդ կետի 5-րդ ենթակետում նշված հանգամանքները:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 309-րդ հոդվածի 1-ին մասի համաձայն՝ Ֆիզիկական անձանց կողմից հետագա արտահանման պարտավորությամբ Հայաստանի Հանրապետություն ներմուծված անձնական օգտագործման տրանսպորտային միջոցները սահմանված ժամկետում Հայաստանի Հանրապետությունից չարտահանելը, եթե հետագա արտահանման պարտավորությունը խախտվել է ավելի քան տասն օրով՝ առաջացնում է տուգանք՝ ֆիզիկական անձանց

կողմից այդ տրանսպորտային միջոցներն ազատ շրջանառության համար բաց թողնելու նպատակով ներմուծելու համար նախատեսված մաքսային վճարների (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի) մեծության տասը տոկոսի չափով, բայց ոչ պակաս, քան երեսուն հազար դրամի չափով:

Կարեն Գոմցյանի անվամբ թիվ 05100022/030322/0000678502 մաքսային մուտքի օրդերով հայտարարագրված տրանսպորտային միջոցը սահմանված ժամկետի ավարտին հաջորդ օրվա՝ 04.03.2023 թվականի դրությամբ «Ներքին սպառման համար բացթողում» մաքսային ընթացակարգով հայտարարագրելու դեպքում կառաջանան մաքսային վճարներ՝ ընդհանուր 3.627.623 ՀՀ դրամի չափով (հիմք՝ 20.03.2023թ. թիվ 917 զեկուցագիր):

Այսպիսով, վարույթի նյութերով հիմնավորվում է, որ Կարեն Գոմցյանը սահմանված ժամկետում չի արտահանել 05100022/030322/0000678502 մաքսային մուտքի օրդերով ՀՀ ներմուծված ավտոմեքենան, ինչով պայմանավորված՝ թույլ է տվել «Մաքսային կարգավորման մասին» ՀՀ օրենքի 309-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. «Մաքսային կարգավորման մասին» ՀՀ օրենքի 309-րդ հոդվածով նախատեսված մաքսային կանոնների խախտում կատարելու համար Կարեն Գոմցյանին ենթարկել վարչական պատասխանատվության՝ տուգանելով 3.627.623 ՀՀ դրամ մաքսային վճարների տասը տոկոսի չափով՝ **362.762 ՀՀ դրամ**:
2. Որոշման մասին հայտնել Կարեն Գոմցյանին՝ պարզաբանելով, ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

*Սույն որոշմամբ նշանակված տուգանքն անհրաժեշտ է վճարել **900005024055 հաշվեհամարին (ՀՀ պետական բյուջե, կենտրոնական գանձապետարան, Հյուսիսային մաքսափուն-վարչություն, ԿՈՂ 28):***

ՀՅՈՒՍԻՍԱՅԻՆ
ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՐՈՒԹՅՈՒՆ ԱԶԳԱՆԴՅԱՆ